

ԿՐՕՆԱԳԻՏԱԿԱՆ

Ա. Գ. ԶԱՆԱՇՅԱՆ

Փիլիսոփայական գիտությունների թեկնածու

ԳԱՐԵԳԻՆ Բ ԱՄԵՆԱՅՆ ՆԱՅՈՑ ՆԱՅՐԱԴԵՏԻ ԵԿԵՂԵՅԱԲԱՆԱԿԱՆ ԸՄԲՈՆՈՒՄՆԵՐԸ

Ի դարի վերջին տասնամյակը հայ ժողովրդի և Նայ Առաքելական Եկեղեցու պարամության շրջադարձային ժամանակաշրջաններից է: Թեև ժամանակագրական առումով այն ընդամենը մի ակնթարթ է մեր բազմադարյա պարամության մեջ, սակայն չափազանց տարողունակ ու բազմաշերտ է իր բովանդակությամբ և ուղղվածությամբ: Դա հայոց ազգային պետականության վերակերպումի, անցյալի արժեքների վերագնահատման, տասնամյակներով բեկված հավատարմոր հայ հոգու ապաքինման և վերածնության ժամանակաշրջանն է: Նայոց պարամության այս փուլը բազմապիսի և բազմապլան խնդիրներ է առաջադրել նաև մեր ազգային ավանդական հասարակությանը՝ Նայ Առաքելական Եկեղեցուն, որը 1700 տարիներից ի վեր ոչ միայն հանդես է եկել որպես քրիստոնեական մեր էության և համազգային միասնության անխոնջ ջարագով, այլև իր ազգանվեր հայացքը սեփական է գալիք ապագային:

Ահա այս պայմաններում Նայ Եկեղեցու առաքելահասարակ և լուսավորչահիմն գահին բարձրացավ Ամենայն Նայոց Գարեգին Բ Վեհափառ Նայրապետը, ում բազմաբեղուն գործունեությունը Նայ Եկեղեցուն և հայրենիքին անմնացորդ նվիրվելու փայլուն և ուսանելի օրինակ է:

Աչքի առջև ունենալով ապագայի հզոր և միասնական Նայ Եկեղեցու տեսլականը՝ կազմակերպչական անխոնջ ջանադրությամբ Վեհափառ Նայրապետը իր անսպառ կարողություններով հեռաքննորեն ձեռնամուխ եղավ մարդկային հոգին արգասավորող հոգևոր վերակերպումի, ապագայի հանդեպ անսասան հավատ և ներշնչում ծնող ու արմարավորող «միասնական ու ծաղկուն Եկեղեցու Խորանի լույսն առարացնելու», եկեղեցաշեն, գիտակրթական, կազմակերպչական, մանկավարժական և բազմապիսի այլ աշխարհաբանների կազմակերպմամբ: Գարեգին Բ Վեհափառի բազմաբեղուն և մեծաջան պրպարումների ելակետը 2000 թ. փետրվարի 5-ի Նայրապետական Կոնդակն է, մի փաստաթուղթ, որով Նայոց Նայրապետը համայն հայ ժողովրդին է ներկայանում հոգևոր լայն գործունեություն ծավալելու ծրագրով:

Նիրավի, Նայրապերական Կոնդակը, որտեղ թվարկվում է Եկեղեցու առջև կանգնած հրապապ խնդիրների իրագործման հաջորդականությունը, անթեղում է հավաքի արմավաժողովում և ծավալման գործի իրապեսական քայլեր: Նրանում մեծապես կարևորվում են ազգային պերականության և Մայր Եկեղեցու, ինչպես նաև Մայր Նայրենիքի և աշխարհասփյուռ հայ ժողովրդի հոգու և սրբի կամբջումը: Շեշտադրվում է նաև արդի աշխարհի հոգևոր կյանքի ելուէջներին ծանոթ, համակողմանի զարգացած, հոգևոր և քաղաքակրթական բազմաչափ տարածության և բազմաշերտ հարաբերություններին քաջարեղյակ, Նայապարանի և արտաշխարհի ճանաչված աստվածաբանական համալսարաններում և գիտակրթական կենտրոններում գիտելիքները խորացրած Նայ Եկեղեցու սպասավորների պարապուման, աճող սերնդի հոգևոր-բարոյական դաստիարակության, ազգային մշակույթի զարգացման խթանումը, միջեկեղեցական և միջկրոնական հարաբերությունների ծավալումը և այլն:

Գրեթե մեկ տասնամյակ է անցել Նայ Եկեղեցու Նվիրապերի հրապարակած Կոնդակից: Մեկ տասնամյակ, որն ընդամենը մեկ ականթարթ է հազարամյակների պարմություն ունեցող Նայ Եկեղեցու և ժողովրդի կյանքում: Սակայն այդ տասնամյակը դարձել է Գարեգին Բ Վեհափառ Նայրապերի ծրագրերի իրականացման տասնամյակ, ինչը փաստում է նրա գործունեության ոլորտում խոսքի և գործի ներդաշնակությունը:

Եվ պերք է նկատել, որ բազմաբեղուն այդ գործունեության մեկնակերը Վեհափառ Նայրապերի եկեղեցաբանական-աստվածաբանական ըմբռնումներն են:

Ինչպես փաստական նյութն է վկայում, արդի աստվածաբանության առանցքային բնագավառներից մեկի՝ եկեղեցաբանության հավաքային հիմնարար սկզբունքների ընդհանրացնող մեկնությանն անդրադառնալը Վեհափառ Նայրապերի կողմից իմաստավորվում է հոգևոր, տեսական, հասարակական-քաղաքական, ազգային ինքնության ու ինքնագիտակցության և այլ տեսանկյուններից:

Քաջածանոթ լինելով այն իրողությանը, որ վերջին երեք դարերի հասարակական-քաղաքական և քաղաքակրթական արմատական տեղաշարժերն իրենց անուրանալի կնիքն են դրել նաև հոգևոր կյանքում՝ Վեհափառի պրպրող միտքն իր մեկնություններով առաջին հերթին փաստում է, որ արտաքին միջամտություններից անկախ իր ծառայության սահմաններում Եկեղեցին գործառնել և գործառնում է ավանդական խորհրդապաշտության ոլորտում: Անշուշտ, դա ամեննին էլ չի նշանակում, թե եկեղեցաբանական այդ մտքեցումն անտեսում կամ մոռացության է մատնում արտաքին ազդեցությունները: Դրանք եղել են Եկեղեցու պարմության անփոփոխ ուղեկիցները: Սակայն, ինչպես անցյալում, այնպես էլ մեր օրերում, Եկեղեցու կողմից այդ ազդեցություններն ու մարտահրավերներն ընկալվել, վերամշակվել և վերարտադրվել են քրիստոնեական արժեհամակարգի պրիզմայով և այդ որակով էլ որպես արժեք մատուցվել են հավաքացյալ զանգվածներին: Միաժամանակ քաջ գիտակցելով, որ XX դարում «եկեղեցի» երևույթը լայն քննարկման առարկա է դարձել նաև հումանիտար գիտությունների համար՝ Գարեգին Բ Վեհա-

փառը եկեղեցաբանական հիմնահարցերի վերլուծությանն ու մեկնությանն անդրադառնում է նաև րեսական մակարդակով: Պարզապես այն է, որ այդ հարցում հումանիտար գիտություններն ունեն քրամաբանական մեկ ընդհանուր ուղղվածություն, այն է՝ Եկեղեցու հետ կապված հիմնահարցերը քննարկել իրենց համար առաջնահերթություն համարվող կոնկրետ նպատակներով, իսկ հավաքի եւ կրոնական պարկերացումների համակարգից ընտրել եւ արժեւորել միայն այն, ինչն առավելագույնս համապատասխանում է իրենց խնդիրներին: Եւ փիլիսոփայության դոկտոր Գարեգին Բ Վեհափառի¹ վերլուծական միտքը, րեսականորեն ընդհանրացնելով ու համադրելով արժեքային այդ մոտեցումները, քրիստոնեական ավանդության համակողմանի մեկնաբանության հիման վրա առաջադրում է եկեղեցաբանական մի հայեցակարգ, որը ներկայացվում է իր գոյաբանական եւ գործառնական ամբողջության՝ «ծառայական կերպի» մեջ:

Վեհափառ Նայրապետը եկեղեցաբանական հիմնահարցերի վերլուծությունն ու համակողմանի արժեւորումը պայմանավորում է նաև արդի մարտահրավերներով: Փաստելով, որ «աշխարհն արագորեն փոխվում է, փոխվում են նաև Եկեղեցու մարտահրավերները»²՝ նա հանգում է աշխարհայացքային եւ արժեքաբանական ընդհանրացնող այն հետեւությանը, որ Եկեղեցու առջեւ կանգնած նոր մարտահրավերները եկեղեցաբանական նոր մոտեցումներ են պահանջում: Ընդ որում, այդ գործընթացում աստվածաբան անթույլատրելի եւ հիմնովին մերժելի է համարում ապակառուցողական ցանկացած մոդել՝ հստակ ուղենիշ ունենալով այն, որ հասարակական-քաղաքական, քաղաքակրթական ու հոգևոր նոր պայմաններով կյանքի կոչված մարտահրավերների պատասխանը հրամայաբար պահանջում է հայացքն ուղղել դեպի եկեղեցական ավանդություն: Իսկ դա նշանակում է, որ Վեհափառի առաջադրած եկեղեցաբանական հայեցակարգում հանրային կյանքում րեղ գրած հոգևոր-քաղաքակրթական արդի մարտահրավերների էությունը բացահայտող նոր մոտեցումները խարսխվում են եկեղեցական պրակտիկայի ավանդական ըմբռնումներից բխող եւ հոգևոր փորձի վրա հենված փաստարկների վրա: Ջարագովության րարբեր ձեւերով հանդես եկող աստվածաբանական այդ մոտեցումն իր հիմքում ունի նաև Նայ Եկեղեցու աշխարհայացքային այն սրբագործված չափորոշիչները, որոնք մերժում են ուղղադավանությանը հակադրվող հավաքային եւ քաղաքակրթական ցանկացած հարկադրանք:

Գարեգին Բ Վեհափառը եկեղեցաբանական հիմնահարցերի քննությանն անդրադառնում է ինչպես րեսական, այնպես էլ պարմական եւ գործնական աստվածաբանության դիրքերից: Քաջածանոթ լինելով եկեղեցական պարմությանը՝ նա առաջին հերթին համակողմանի արժեւորման է ենթարկում այդ հարցում Արեւմտ-

1 Միջազգային րեղեկարվության ակադեմիայի եւ ՄԱԿ-ի րնրեսական ու սոցիալական խորհրդի կողմից 2000 թ. Ամենայն Նայոց Գարեգին Բ Վեհափառն առաջադրվել է այդ ակադեմիայի անդամ, իսկ 2001 թ. ակադեմիայի րնրինության կողմից նրան շնորհվել է փիլիսոփայության դոկտորի աստիճան, րենս «Նայ Եկեղեցու հանրագիտարան», պրակ Ա, «Ամենայն Նայոց Կաթողիկոսներ», Ս. Էջմիածին, 2008, էջ 35:

2 «Էջմիածին», 2008, Ե, էջ 12:

յան աստվածաբանական մոտեցումները: Ազգային եկեղեցական ավանդության դիրքերից նա ցույց է տալիս, որ Եկեղեցու մասին վարդապետությունն աստվածաբանական տեսական զարգացման արդյունք է, որը ձևավորվել է հավաքային տարբեր կողմնորոշում ունեցող համակարգերում և իր վրա կրում է դրանց կնիքը: Այդ համատեքստում վերլուծաբանը նախ անդրադառնում է Եկեղեցու ավանդական ըմբռնմանը: Փաստական նյութի ընդհանրացված վերլուծության հիման վրա Վեհափառը ցույց է տալիս, որ Եկեղեցու էությունը բնորոշող գծերն առկա են Աստվածաշնչում, և որ դրանց աստվածաբանական ընդհանրացումն էլ հանդիսանում է այն պարկերացումը, որով Եկեղեցին ըմբռնվում է մեկնաբանվում է որպես աշխարհի փոփոխությանը միաված հոգևոր կառույց: Աստվածաբանական այդ մոտեցումն ամբողջանում է այն պարկերացման տեսքով, որ եկեղեցին աստվածային շնորհի կրողն է ու պահպանում է որ աշխարհին աստվածային այդ շնորհին կարող է հաղորդակից դառնալ և բարեփոխվել միմիայն եկեղեցու հետ ունեցած կապի մեջ եկեղեցական խորհուրդներն անվերապահորեն կատարելու միջոցով:

Այդ հարցում Վեհափառի աստվածաբանական համոզմունքն է, որ հավաքի ցանկացած ըմբռնում պետք է հենվի ոչ թե այս կամ այն անհատի (կրոնական խմբի կամ բարենորոգչի) սուբյեկտիվ կողմնորոշման, այլ հավաքային ընդհանրության (Եկեղեցու) կրոնական փորձի վրա: Եվ համոզված լինելով, որ աստվածաբանական այդ մոտեցումը թույլ է տալիս օբյեկտիվորեն ներկայացնել ներեկեղեցական և միջեկեղեցական կյանքի իրական հարաբերությունները՝ վերլուծաբանն այդ դիրքերից էլ արժեւորման է ենթարկում հրապարակում գտնվող եկեղեցաբանական մոդելները:

1970-ական թվականներին Վիեննայի և Բոննի համալսարանների աստվածաբանության ֆակուլտետներում և Ռուս Ուղղափառ Եկեղեցու բարձրագույն՝ Զագորսկի Նոգևոր Ակադեմիայի ասպիրանտուրայում ուսանելու շրջանում աստվածաբանական, տեսական և գործնական առումներով խորամուխ լինելով եկեղեցաբանական հարցերի մեջ՝ Վեհափառը նկատում է, որ Ի դարի երկրորդ կեսում եկեղեցաբանական հիմնահարցերն աստիճանաբար վերածվել են աստվածաբանական մրցի կիզակերի: Նա քաջ գիտակցում է նաև, որ այդ ոլորտում առաջադրված աստվածաբանական լուծումները թեև արտացոլում են հավաքային միեւնույն երևույթները, այդուհանդերձ, այդ երևույթների ընկալման և մեկնության տարբերությամբ պայմանավորված՝ բազմաթիվ հարցերում տարանջատվում և հակադրվում են միմյանց: Ընդ որում, մեթոդաբանական մոտեցումների հետ կապված այդ տարբերությունները հավասարապես դրսևորվել են ինչպես Եկեղեցու էության հիմնահարցի, այնպես էլ Եկեղեցու կոնկրետ (դինամիկ) ըմբռնման ոլորտներում: Նրա քննախույզ հայացքից չի փրկվել և այն, որ Արեւմուտքում հրապարակ իջած եկեղեցաբանական հայեցակարգերից շատերն աչքի են ընկնում պրակտիկ կողմնորոշմամբ, այսինքն՝ Եկեղեցու էության և առաքելության հիմնահարցերը քննարկում և արժեւորում են հասարակական փոփոխությունների, ինչպես նաև աշխարհականացման միտումների համատեքստում:

Եկեղեցու մասին ավանդական, բարենորոգչական և մոդեռնիստական ըմբռնումների հակադրությունը, ինչպես նաև հերմոդեռնիստական (միաստիճան պրեսբիտերական, կոնգրեգացիոնալիստական և այլն) գուգահեռ կառույցների առկայությունը, դրանց եկեղեցաբանական նորովի մեկնությունները, Եկեղեցու առաքելության հետ կապված փարըմբոնողությունը, Էկումենիկ շարժման և միջեկեղեցական համագործակցության բնագավառում ընդհանրականի (ընդհանրական Եկեղեցու) և մասնավորի (եկեղեցական կոնկրետ կառույցի) փոխհարաբերության հիմնահարցը, ազգ-կրոն-Եկեղեցի առնչությունների և կրոնական համագործակցության աստվածաբանական հիմնավորման առաջնահերթությունները, ահա այն հիմնահարցերի շրջանակը, որոնք կազմում են Վեհափառ Հայրապետի եկեղեցաբանական հետաքրքրությունների ոլորտը: Եվ պետք է նշել, որ, հանձին Վեհափառի համակողմանի և հավասարակշռված մոտեցման, առնչվում ենք աստվածաբանական մի հայեցակարգի, որն իր էությամբ խառնված է Հայ Եկեղեցու սրբագործված ավանդական մոտեցումների վրա, իսկ մյուս կողմից՝ համարժեք մոտեցում է ցուցաբերում այդ հարցում արդի եկեղեցաբանական հայեցակարգերի հիմնարար մոտեցումների նկատմամբ: Ավանդականի և նորի համադրմամբ ձևավորված այդ նրբին եկեղեցաբանությունն էլ Հայրապետի կողմից ներշնչանքով մատուցվում է հայ ժողովրդին:

«Ի՞նչ է Եկեղեցին» հարցին Գարեգին Բ Հայրապետն անդրադառնում է աստվածաշնչագիրության, քրիստոնեական գոյաբանության և մեթաֆիզիկայի դիրքերից: Այդ մոտեցմամբ Եկեղեցու պարսությունը ներկայացվում է որպես Աստծու խոսքը սերունդներին մաքսիմի դարձնելու շարունակական գործընթաց: Եվ քանի որ այդ հայեցակարգի հիմնավորման գործում հավասարապես օգտագործվում է ինչպես ընդհանրական, այնպես էլ Հայ Եկեղեցու հոգևոր պրակտիկան, միանգամայն փրամաբանական է եզրակացնել, որ առաջադրված եկեղեցաբանական հայեցակարգի փարածական ֆոնը քրիստոնեությունն է, իսկ մեկնակերը՝ Հայ Եկեղեցու վարդապետությունը:

Հիմնարար այդ սկզբունքների դիրքերից Վեհափառն առաջադրում է հիմնավորում է ուղղադավան մի հայեցակարգ, որտեղ Աստվածաշնչի տեքստային մեկնաբանության հենքի վրա Եկեղեցու էությունն ամենից առաջ բնութագրում է որպես «Աստծու ժողովուրդ», «Քրիստոսի մարմին» և «Սուրբ Հոգու Տաճար» եզրերով: Եւ որ չափազանց կարևոր է, քննարկվող հիմնահարցերը գոյաբանորեն շաղկապվում են անձնավորման վարդապետության հետ, որի դիրքերից Հայոց Հայրապետը հավաստում է. «Աշխարհըն սպասում էր Փրկչին: Աշխարհը լի էր սպասումով: Հին աշխարհը բռնապիրության իր բարբերով, մարդկանց ու ժողովուրդներին օտարացնող, թշնամացնող հարաբերություններով ավելի ու ավելի էր կորցնում բարոյական իր արժեքն ու պարկերը և ճիրաններում մեղքի կապանքների ու հոգեկան փվայքանքների՝ սպասում էր ազատության, արդարության ու խաղաղության Ավետարելին: Եւ Նա եկավ ի լրումն ժամանակի: Մարդասեր Աստված Արարչական Իր

Սիրով վերաբերին ընդառաջ ելավ փկարացած եւ անկյալ մարդուն՝ առաջնորդելու նրան դեպի հավիտենական կյանքի փրկարար ուղի...»³:

Նա միաժամանակ ցույց է տալիս, որ Անձնավորված Քրիստոսը ճշմարտությունն ավանդելու համար չի սահմանափակվել միայն քարոզներով, այլ Աստվածային ճշմարտությունն արմատավորել է հասարակական կյանքում, որը դարձել է կենսակերպ եւ կենցաղի անբաժան մաս: Եվ դրանով արդեն իսկ երկրային կյանքում հավաքքի վրա կառուցված համայնական (համայնքային) կյանքով քրիստոնյաները կարողացան մերձենալ Աստծու Արքայությանը: Եվ Քրիստոս փրկագործական առաքելությունը շարունակելու համար հիմք դրեց Եկեղեցուն, որը պետք է հարապետեր աշխարհում: Այդ մեկնակերպի դիրքերից Վեհափառը հիմնավորում է նաեւ, որ եկեղեցական համայնքը, Եկեղեցին Տիեզերքի Քրիստոսի գործի շարունակությունն է եւ որ Եկեղեցին կազմված է Աստծու ժողովրդից, այսինքն՝ հանդես է գալիս որպես Կենդանի Աստծու Տաճար: Ելակետ ունենալով աստվածաշնչական այն պարզամը, թե՛ «... դուք տաճար Աստվածոյ կենդանոյ էք, որպէս ասաց Աստուած թէ Բնակեցայց ի նոսա եւ գնացից ի նոսա, եւ եղէց նոցա Աստուած եւ նոքա եղիցին իմ ժողովուրդք (Բ Կոր., Զ 16)», Վեհափառը փաստում է, որ Եկեղեցին պարկանում է Աստծու ժողովրդին եւ հակառակը: Աստվածաշնչագիրական մեկնությամբ Գարեգին Բ Վեհափառը հիմնավորում է եւ այն, որ հանձին Եկեղեցու առնչվում ենք այնպիսի կենսաձեռքի, որը հավաքքի վարահությամբ եւ համայնական նկարագրով նշանավորում է նոր ժամանակների ծնունդ: Այդ դիրքերից էլ նա գրում է. «Պարմության մեջ ակնթարթ է կարճատև այն ժամանակահատվածը, որ Մարդացյալ Աստված՝ Տիեզերքի Քրիստոս, գործեց մարդկանց մեջ: Այդ ակնթարթը փոխեց ժամանակի ընթացքը՝ ամենուր հասարակելով առ Աստված Նավարքի վարահություն, Նույսի լավարեսություն, Սիրո ջերմություն, Սիրով՝ հաշտություն միմյանց եւ Աստուծո հետ: Եվ արդ, սիրելիներ, բաց է ճանապարհը դեպի Աստված, եւ մեզ է թողնված ընտրությունը»⁴:

Ակնհայտ է, որ առաջադրված եկեղեցաբանական հայեցակարգի հիմնադրույթներից մեկն էլ այն է, որ հավաքքի վրա հենված եւ Քրիստոսի կողմից հաստատված մարդկային նոր կենսաձեռք՝ Եկեղեցին, ծնվել է իր հետնորդներին աստվածային սիրով միավորելու նախաձեռնությամբ, քանի որ «Քրիստոս սիրով է շաղախում Իր Եկեղեցու ամեն մի քարը եւ կառուցում այն՝ Սուրբ Նոգու պարգևած սիրո միջոցով մեզ միացնելով Իրեն՝ իբրեւ Իր մարմնի անդամներ»⁵: Աստվածաշնչագիրական մեկնությամբ Գարեգին Բ Վեհափառը բացահայտում է Եկեղեցու էությունն արարացող ընդհանրական մի այլ հատկանիշ եւս: Նա հավաստում է, որ թեև գոյաբանորեն Եկեղեցուն փրապելոտ է հավաքական կյանքով արարահայրվող կոլեկտիվ կենսակերպը, այդուհանդերձ, նրա անդամներն ամենեւին էլ չեն զրկվում անհատականությունից: Նակառակը, «Քրիստոս, որպես սիրո գերագույն օրինակ,

3 «Էջմիածին», 2000, Ա, էջ 9:

4 Անդ, էջ 10:

5 «Էջմիածին», 2008, Ե, էջ 23:

միմյանց սիրել մեզ ավանդեց, Իր Եկեղեցին հիմնեց որպես երկնային սիրո հարկ երկրի վրա, որպեսզի մարդկային ցեղի որդիներս որդեգրության շնորհով այդ մեծ փառ Նոր զավակները լինենք: Եւ եթե այդ ընթացիքի «մի որեւէ անգամ ցավ զգա, նրա հետ ցավ զգան բոլոր անդամները. եւ եթե մի անգամը փառավորվի, նրա հետ ուրախանան բոլոր անդամները» (Ա Կոր., ԺԲ 26)⁶: Եկեղեցաբանական ընդհանրացնող մտքեցմամբ Վեհափառը հիմնավորում է եւ այն, որ Աստվածային նախախնամությամբ ձեւավորվելով հասարակական կյանքում՝ իր պարմական ընթացքի մեջ Եկեղեցին ինստիտուցիային փոխելու հասարակական նկարագիր է ստանում: Ուստի պետք է ընկալվի նաեւ այդ որակով՝ որպես հասարակական կյանքի եւ բնական պայմանների դրսևորման յուրահատուկ ձեւ:

Եւ քանի որ իբրեւ Աստծու ժողովուրդ Եկեղեցին կարիք ունի փոխադարձության, Վեհափառ Նայրապետն անդրադառնում է Եկեղեցու բնութագրական այդ որակի մեկնությանը եւս: Եւ այդ գործում նա կարեւորում է հարկապես հոգեւոր կյանքի հիմքը կազմող «Աստվածատուր հավարը» եւ այդ ակունքից բխող աստվածսիրությանը: Նավարը մեկնաբանելով որպես Աստվածային սիրո դրսևորում՝ Վեհափառը գրում է. «Իր սիրով ու ողորմությամբ Աստված հավարի լույսը շնորհեց մեր հայրերին, հավարի լույսով պահպանեց Արարարի փեշերին, դարեր-դարեր խնամեց ու աշխարհասփյուռ պահպանեց՝ հավարի լույսով առաջնորդելով ազգս հայոց դեպի Սուրբ Էջմիածին: Ընդունեց մեզ լինելու սեփական ժողովուրդ, օրհնեց հավարարմությամբ եւ բազում հաղթանակներ պարգևեց հավարի գործությամբ: Նավարով սնված ու ջերմացած՝ շքեղորեն ծաղկեց մեր մշակույթը, հավարով անմար մնացին Նայրենիքի ու ազատության սերը մեր ժողովրդի հոգում ու հաղթանակած փայլեցին Ավարայրից մինչեւ Սարդարապատ ու մեր օրերի Արցախյան ազատամարտերը»⁷: Եւ կարեւորելով փոխադարձության սկզբունքը՝ միաժամանակ հավաստում է եւ այն, որ «... աստվածսիրությունն է, որ բարի պտուղներ է ապահովում մարդկությանը, եւ մարդկանց հոգիները լցվում են աստվածային պարվիրաններով, ու մարդիկ գիտակցաբար իրենց կյանքը կազմակերպում են այդ պարվիրանների համաձայն՝ միմյանց սիրելու, միմյանց ներելու, միմյանց գորակցելու, մեկը մյուսի երջանկությամբ ցնծալու»⁸:

Աստվածաշնչագիրության եւ հայրաբանական ավանդության դիրքերից է մեկնաբանվում նաեւ Եկեղեցու «Քրիստոսի մարմին» լինելու հիմնադրությունը: Եկեղեցին որակելով որպես «Նարուցյալ երկնավոր Փրկչի երկրավոր բնակարան»⁹՝ Գարեգին Բ Վեհափառը փաստում է, որ Քրիստոս միաժամանակ Եկեղեցու առանցքն է եւ ծառայության կենտրոնը, քանզի Եկեղեցին մեկ է Քրիստոսով եւ իր առաքելությամբ¹⁰:

6 Անդ:

7 «Էջմիածին», 2005, Զ, էջ 49:

8 «Էջմիածին», 2000, Թ, էջ 23-24:

9 «Էջմիածին», 2000, Ա, էջ 69:

10 «Մենք ... հավարում ենք Մի, Կաթողիկե, Առաքելական եւ Սուրբ Եկեղեցու, - այդ կապակցությամբ հռչակում է Վեհափառը, - Արդարեւ, Եկեղեցին, ինչպես Քրիստոսի մարմինը, մի է եւ եզակի (ընդգծումը մերն է՝ Ա. Ք.)», «Էջմիածին», 2000, ԺԱ, էջ 10: Ըստ Վեհափառի՝ Եկեղեցու

Քրիստոսի մարմին Եկեղեցին հանդես է գալիս նաև որպես հավաքացյալների ամբողջություն, քանի որ Քրիստոսի փրկարար Խաչով է միավորվում ամենայն ինչ: Այդ մոտեցմամբ եկեղեցաբանը Քրիստոսի փրկարար Խաչին ապավինելը և նրանով միավորումը մեկնաբանում և որակում է որպես Եկեղեցու էական հատկանիշներից մեկը: Եկեղեցին որակելով որպես աննյութական այնպիսի կառույց, որն առ Քրիստոս ունեցած սիրո և հավաքի շնորհիվ վերածում է սուրբ տաճարի¹¹, միաժամանակ Հայ Եկեղեցու օրինակով Վեհափառը միանգամայն հիմնավորված կերպով ցույց է տալիս, որ «Իր օրհնաբեր ներկայությամբ, իր փրկագործ խորհրդով մեզ միշտ հովանի է եղել գործությունը Սուրբ Խաչի՝ հանդիսանալով այն նեցուկը, որին ապավինել ենք մեր ընթացքներում, այն ցույցն ու գավազանը, որով մովսիսանման հասարակականությամբ կարողացել ենք երկփեղկել ազգիս դառնությունների ու փորձանագ ալեկոծյալ ծովը: Խաչի գործությամբ անցանք Մեծ Եղեռնի գողգոթայի ճանապարհներով և վերապրեցինք՝ հասնելով խաղաղ ավերքը մեր նոր ու վերածնված կյանքի»¹²:

Անշուշտ, արդի պահանջներին համահունչ եկեղեցագիտական այդ մեկնությունը նաև նոր հարցումներ է բովանդակում, սակայն անուրանալի է և այն, որ դրանք ևս կրում են Եկեղեցու խորհրդապաշտական դրոշմը՝ որպես Աստծո ժողովուրդ և որպես Քրիստոսի խորհրդապաշտական մարմին: Փաստական նյութի վերլուծական ընդհանրացմամբ՝ Գարեգին Բ Վեհափառը հիմնավորում է և այն, որ մեզանում փրկարար Խաչի հավաքը դարձել է կյանքի անբաժանելի ուղեկիցը, մեր ազգային կենսակերպը և ազգամշակութային կյանքի ներշնչանքի աղբյուրը և որ «դարերի ընթացքում խաչի ապավինությունը հայցող այս աղոթքով է ապրել ու սրբեղծել մեր ժողովուրդը: Խաչով է պսակել գմբեթները եկեղեցիների, խաչի գեղանի պարկերաբանդակները կերպել, խաչով ծաղկել հազարազանձ մատյանները աղոթալի, խաչի գովքն ու փառաբանությունը՝ որպես աղոթք ու շարական, երկինք վերառաքել (ընդգծումը մերն է՝ Ա. Բ.)»¹³:

Գարեգին Բ Վեհափառի եկեղեցաբանական հայեցակարգի համար բնութագրական են նաև Եկեղեցու՝ իբրև Քրիստոսի մարմնի ընդհանրացնող այլ մեկնություններ: Նա մասնավորապես մարմնա- նշում է, որ Քրիստոսի մարմին Եկեղեցին գոյաբանորեն ենթադրում է նաև համայնքի բոլոր անդամների փոխադարձ կապ և ամենօրյա հարաբերություն: Եվ այդ համարեքսությունն ևս կարելի է Եկեղեցու փոխադարձության երկու կարևոր գործառույթներ, որով հիմնովին մերժվում է հավաքը դիպարկել որպես Աստծու հետ ունեցած անձնական հարաբերություն (նույնն է՝ անհատական հավաքը) և երկրորդ, պրակտիկ եկեղեցական կյանքում խաչառ բացառում է ամեն մի մեկուսացում: Վերլուծաբանի հավասարության և փոխա-

մեկության հիմքերից մեկն այն է, որ եկեղեցին «... հիմնված է սիրո վրա և մերժում է ամենայն հակառակություն և արելություն, քանզի ամենասուրբ սերն է ընդհանրական սուրբ ընդամիքի ամուր պարվարը, ... միմյանց հետ կապող շաղախը», «Էջմիածին», 2008, Ե, էջ 23:

11 Տե՛ս «Էջմիածին», 2000, ժԱ, էջ 13:

12 «Էջմիածին», 2006, Զ, էջ 26:

13 Նույն տեղում:

դարձության եկեղեցական սկզբունքը մակաբերվում է նաև ասարվածաշնչական այն հավաքամբից, թե հավարի կարարյալ միության և Աստծու Որդու ճանաչման նպարակով ամեն մի հավաքացյալի փրկված է շնորհի որոշակի բաժին (Տե՛ս Եփես., Դ, 11-16):

Նոչակելով, որ «Երկնային մեր Վարդապետը հաղթեց իր խոսքին համարժեք գործերով»¹⁴, որ հասարակական և ազգային կյանքում Բերդեհեմի Լուսաստղի շողերով է հասարակվում իրական հոգու անդորրը, հաշվությունն ու երջանկությունը¹⁵, և որ մարդացյալ Աստծու նորից ծնունդ առնող Փրկչական սերը, խաղաղությունը, արդարությունը և բարին են պայմանավորում Նիսուսի հետ ժամադրությունը¹⁶, Նայոց Նայրապետն այդ ամենի հիման վրա Եկեղեցու գորացման հիմք և հավաքացյալների միավորման ու գործունեության առանցք է հռչակում Նիսուս Բրիսպոսի փրկագործական առաքելությունը: Նկարենք նաև, որ այս պարագայում Եկեղեցին ներկայացվում է իր ներքին խորհրդի մեջ՝ իբրև ասարվածային Երրորդությանը շաղախված և Ս. Երրորդության հավաքի վրա խառնված Նաղորդություն: Եվ ինչպես իրավամբ ասարվածաբանն է նկատում, եկեղեցաբանական այդ մոտեցումը հավաքացյալների հոգում կարող է վերակենդանացնել այն, ինչը հոգևոր առումով ճշմարտապես գոյություն ունի կենդանի ավանդության մեջ: Դա միաժամանակ կոչ է հավաքացյալներին՝ հոգևորի փեսիքով զինված շրջվել դեպի Եկեղեցու փեսանելի իրականություն՝ ներդաշնակորեն միմյանց զուգակցելով հավաքը և խոհականությունը: Վեհափառ Նայրապետը փաստում է նաև, որ Եկեղեցին ավելին է, քան սոսկական հասարակությունը կամ ընկերությունը, հավասարապես նաև անձերի միջև առկա ամենօրյա հաղորդակցությունը:

Իր մեկնություններում Վեհափառը նրբորեն անցում է կատարում նաև Եկեղեցու ասարվածաշնչական հիմնարար մի այլ պարկերի՝ «Սուրբ Նոգու Տաճար» լինելու մեկնությանը: Նա ցույց է տալիս, որ Եկեղեցին իրական Տաճարի և անդես (գերբնական) կյանքի ակունքի է վերածվում Սուրբ Նոգու շնորհիվ: Նամակողմանի հիմնավորելով այն, որ հավաքացյալները Սուրբ Նոգու մշտական առկայությանն ու միջնորդությանն են պարտական Եկեղեցու գործունյա անդամ կոչվելու համար՝ նա գրում է. «Այս բացարձակ նմանը չունեցող սիրո հաղորդության միջոցով է Աստված մեզ հաղորդակից դարձնում Իր Սուրբ Նոգու շնորհներին և արժանացնում Իր որդեգրությանը: Աստված Իր Սուրբ Նոգով մեզ բոլորիս դարձնում է մեկ Նոր՝ Աստծու որդիներ և ժառանգներ»¹⁷, այսինքն նաև՝ Աստծու ժողովուրդ:

Փաստական նյութի վերլուծությունն աներկբա վկայում է, որ Եկեղեցու «Սուրբ Նոգու Տաճար» լինելու Գարեգին Երկրորդի եկեղեցաբանական վարդապետության ակունքներում եւս ընկած են ասարվածաշնչագիտությունը և ուղղադավան հայրաբանության ավանդությունը: Ինչպես Նոր Կրակարանն է փաստում, Եկե-

14 «Էջմիածին», 2000, Ա, էջ 11:

15 Տե՛ս նույն փոքրում, էջ 12:

16 Տե՛ս նույն փոքրում, էջ 46-47, 68:

17 «Էջմիածին», 2008, Ե էջ 22-23:





«Ես եմ ամուսնացած»

ղեցին իրական գոյ է դարձել Սուրբ Հոգու էջքով և Նրա ներգործության և շնորհագարդման միջոցով է հանդես գալիս հարապելու գոյի կարգավիճակով: Եվ Վեհափառի գրչով Տնօրինական այդ գործընթացը մեկնաբանվում է հետևյալ կերպ. «Սուրբ Հոգու էջքով առաքյալների վրա և երկրից երկիր նրանց քարոզությամբ սկզբնավորվեց Քրիստոսի Սուրբ Եկեղեցին, աճեց ու զորացավ սիրո մեջ և միշտ պարզաբեր եղավ, երբ չպակասեց սերը Եկեղեցուց ներս»¹⁸: Եւ արգասավորվելով Ս. Հոգով՝ Եկեղեցին և հավաքացյալ հոյն սրացան նաև Հոգու պրոֆետերը: Այդ դիրքերից է Վեհափառը փաստում և այն, որ «Հոգեգալուստը տոնն է Սուրբ Հոգու ներգործության, շնորհագարդումը մեր անձերի ու հոգիների, որն ամրագրում է մեր մեջ սիրո ու համագործակցության ոգին, առաջնորդում դեպի ամենաբարին, ամենալավը, ներշնչում մեզ արիություն, ուժ և քաջություն՝ առանց բռնանալու յուրաքանչյուրիս մրաձեղու և գործելու ազատությանը»¹⁹:

Փաստական նյութի վերլուծությունն, այսպիսով, աներկբա վկայում է, որ եկեղեցաբանական այս հայեցակարգը մարտցվում է որպես հավաքային սկզբունքների և պարկերացումների օրգանական ամբողջություն: Եվ այդ տեսանկյունից իր փրամաբանությամբ, բովանդակային առանձնահատկություններով և հավաքային ուղղվածությամբ Գարեգին Բ Հայրապետի եկեղեցաբանությունը յուրաքանչյուր պարասխան է նաև Եկեղեցու դեմ ուղղված արդի մարտահրավերներին, քանի որ գործնականում հանդես է գալիս հավաքային անաղարպության հիմնավորման և մեկնաբանության որակով: Եվ բոլոր հիմքերն ունենք պնդելու նաև, որ քրիստոնեական մարդաբանության և մարդասիրության հիմնարար սկզբունքներն արտացոլող այս մոտեցումներն առաքելական ժառանգորդության անուրանալի փաստեր են, իրական հավաքամբ, որի հիմքում ընկած են քրիստոնեական սիրո և Եկեղեցու ասարվածային առաքելության մասին ասարվածաշնչական պարզամտերը:

Ասարվածաբանական տեսանկյունից Վեհափառ Հայրապետի եկեղեցաբանությունը պետք է դրական որակել այլ առումներով էս: Այն դրական է քրիստոնեական մեթաֆիզիկայի և գոյաբանության տեսանկյուններից, քանի որ խարսխված է Ս. Երրորդության ուղղադավան ըմբռնումների վրա: Դրական է և այն առումով, որ այդ հայեցակարգն էական հարցերում հակադրվում է փառքերվում է նախորդ դարաշրջանների ասարվածաբանական միակողմանի մոտեցումներից: Գարեգին Բ-ի եկեղեցաբանությունը կենսահասարար է, որին ներհարույ է հավաքային անանց ճշմարտությունների հիման վրա առանձնահատուկի և բազմազանության ներդաշնակեցման միությունը: Ճիշտ այդպես էլ, նրա մոտեցումը ներհարույ է նաև բանավիճային ոգին, որը սակայն ոչ թե միարված է այս կամ այն եկեղեցական-ասարվածաբանական համակարգի դեմ, այլ բացառապես՝ հավաքային շեղումների և եկեղեցական ավանդությանը հակադրվող դեմոսինացիաների ու մոլորությունների դեմ: Այն վերահասարարում է եպիսկոպոսական եկեղեցու վերաբերյալ ընդհանրա-

18 «Էջմիածին», 2004, Զ, էջ 19, տե՛ս նաև «Էջմիածին», 2008, Ե, էջ 26:

19 «Էջմիածին», 2008, Ե, էջ 22:

կան ավանդական մոտեցումը և հակազդեցություն մեջ է միայն մոդեռնիզմի արավարձոր դրսևորումների հետ:

Ավելացնենք նաև, որ Վեհափառ Տալապետի աստվածաբանական մոտեցումների կիզակերպում գրավող եկեղեցաբանական լուծումներն անմիջականորեն կապված են նաև հավաքային հիմնարար նշանակություն ունեցող փրկագործական վարդապետության հետ և բխում են նրանից: Դա ուղղակի վկայությունն է այն բանի, որ աստվածաբան նվիրապետի կողմից եկեղեցաբանությունը դիրարկվում է որպես դավանաբանության հետ սերտորեն կապված և եկեղեցական դավանանքից ուղղակի բխող իրողություն: Այդ համարեքստում պետք է կարևորել չափազանց էական մի այլ միտում ևս: Եթե մերաֆիզիկական և գոյաբանական փեսանկյունից Վեհափառ Տալապետի եկեղեցաբանությունը սերտորեն շաղկապված է աստվածաշնչագիրական և հայրաբանական ուղղադավանության հետ, ապա կրոնական փորձի փեսանկյունից այն սերտաճում է ընդհանրական և Տալ Եկեղեցու պարմության հետ, ինչն էլ հանդիսանում է աստվածաբան Տալապետի եկեղեցագիրական մոտեցումների պարմական հիմքը:

Եկեղեցաբանական այս հայեցակարգի հիմնարար բնութագրումների շարքում պետք է կարևորել աստվածաբանական մրաժողության հիմնարար մի այլ սկզբունք ևս, համակարգային մեկնաբանությունը: Այդ մոտեցմամբ աստվածաբան նվիրապետը նշանակություն և իմաստ է վերագրում կրոնական երևույթներին: Գարեգին Բ Տալապետն այդ համարեքստում է անդրադառնում Եկեղեցու առանցքային բնութագրիչներից հաջորդի՝ ծառայության համակողմանի արժեուրմանը: Արդի հոգևոր և հասարակական կյանքի խորն ընկալմամբ նա այդ հիմնահարցի եկեղեցաբանական մեկնաբանության գործում մեկնակերպային է համարում այն, որ «Բարդ աշխարհն է, դժվարին աշխարհն է հավաքավոր հոգի կերպելը, և մարդկային հոգում հավար գերեղելը, Աստծո բնակարան հաստատելն ամենաբարդ և ամենադժվարին աշխարհն է: Այն առաջին հերթին պահանջում է կենդանի օրինակ և այդ կենդանի օրինակը նախ մենք՝ եկեղեցականներս պետք է ներկայացնենք մեր ժողովրդին: Որքան էլ քարոզենք, ինչ գրականություն էլ որ պարբաբարենք, արդյունքը բավարար չի լինի և արդյունք չի փա, եթե չլինի կենդանի քարոզչությունը»²⁰:

Աստվածաբանական, պարմաբանասիրական և ազգային կյանքը բնութագրող այլ օրինաչափությունների համադրության դիրքերից անդրադառնալով եկեղեցական ծառայության էական հարկությունների բացահայտմանը՝ Վեհափառը հիմնավորում է, որ այդ մոտեցումը թույլ է տալիս խորապես յուրացնել և արժեուրել Եկեղեցու ինչպես գործառնության, այնպես էլ պարմականության առանձնահարկությունները: Տալապետը հաջորդաբար անդրադառնում է նաև եկեղեցական ծառայության ձևերի և դրանց գործառնական առանձնահարկությունների վերլուծական արժեուրմանը: Անվերջի և վերջավորի, իռացիոնալի և ռացիոնալի,

20 «Էջմիածին», 2007, ժԱ, էջ 17:

գերբնականի և բնականի փոխհարաբերության մեկնությամբ մարմանշում է այն մեխանիզմների ամբողջությունը, որոնց օգնությամբ բացահայտում է եկեղեցական ծառայության էությունը: Իսկ վերջինս նրա կողմից անբակտերիոն կապվում է Ավետարանի քարոզչության (հավաքքի), քրիստոնեական անսակարկ սիրո և աննկուն հավաքարմության հետ: Եկեղեցական պարմության ընդհանրացված վերլուծությամբ նա ցույց է տալիս, որ «Ավետարանի քարոզչության հետ մարտիրոսությունը տարածվեց ժողովուրդների ու ազգերի մեջ՝ որպես բարոյականության մեծագույն դրսևորում, անսակարկ սիրո և աննկուն հավաքքի ու հավաքարմության արտահայտություն, իբրև մահ իմացյալ, որ անմահություն է»²¹:

Մերժելով քրեականի և անտես Եկեղեցու, հավասարապես նաև՝ Եկեղեցու գործառնության աշխարհիկ և հոգևոր քրեականությունների հակադրության կամ դրանք առանձնության մեջ դիտարկելու ծայրահեղ մոտեցումները՝ Գարեգին Բ Վեհափառը խորհրդապաշտական աստվածաբանության նրբին մոտեցմամբ եկեղեցական պրակտիկայում հավիտենականի ու անփոփոխի կողքին արժեւորում է նաև վերջավորն ու սահմանափակը: Այդ դիրքերից նա ուրվագծում է Եկեղեցու ծառայության ու գործառնության մի այնպիսի համայնապատկեր, որտեղ քրիստոնեական սիրով շաղախված հոգևոր և աշխարհիկ գործառնությունները դիտարկվում և արժեւորվում են ներդաշնակ համագործակցության մեջ, իսկ դրանց միջև առկա կապին համապարփակ տեսք է տրվում:

Ահա թե ինչու անդրադառնալով հասարակության զարգացման շրջափուլերի հոգևոր հիմքերի և դրանցում Եկեղեցու պարմական դերի արժեւորմանը՝ աստվածաբան Նայրապետը փաստում է, որ Եկեղեցու ծառայության և ընդհանրապես եկեղեցական պրակտիկայի քրեականությունից հոգևորը և հասարակական օրգանապես կապված են միմյանց: Եւ քանի որ հասարակության հոգևոր պրակտիկայի համար ուղենիշ է հանդիսացել Եկեղեցու ծառայության էությունը բնութագրող այն համոզմունքը, թե՝ «... Սիրո հաղթանակն է Քրիստոս. Աստուծո Սերն է առ մարդը, մարդու Սերը առ Աստված, մարդու Սերը առ իր նմանը»²², այդ մեկնակերպից Նայ Եկեղեցու նվիրապետը ընդհանրացնելով փաստում է, որ հայ ժողովրդի պարմությունը հոգևորի և աշխարհիկ ներդաշնակ գոգորդման պարմություն է, որ հավաքքի և գործի, հոգևորի ու աշխարհիկի, Ավարայրի և Սարդարապատի ճանապարհով է մեր ժողովուրդը դարձել «Աստուծո սեփական ժողովուրդ»²³: Այդ ամենով հանդերձ եկեղեցագիտական այդ մոտեցմամբ Գարեգին Բ Նայրապետն անվերապահորեն հավաստում է, որ իր ծառայական կերպի մեջ Եկեղեցին հանդես է գալիս որպես անտես հոգևորի և քրեականի բաղադրարարների գոյաբանական ամբողջություն: Ուստի պետք է եզրակացնել, որ այդ ներդաշնակությունը մերժելու ամեն մի փորձ սխալ է և՛ աստվածաբանական առումով, և՛ պարմականորեն: Նավասարապես անթույլատրելի և անընդունելի է նաև այդ ներդաշնակության

21 «Էջմիածին», 2005, Թ, էջ 7:

22 «Էջմիածին», 2000, Ա, էջ 11:

23 Տե՛ս անդ, էջ 68:

որևէ կողմի գերագնահատումը և բացարձակեցումը: Բանն այն է, պարզաբանում է ասարվածաբանը, որ իբրեւ գույր հոգեւոր իրողություն՝ ծառայությունը դրսևորվում է որպէս միանգամայն բարդ և բազմաշերտ ոլորտ:

Այսպիսով, ներեկեղեցական կյանքը համակողմանի արժեւորելու դիրքերից Գարեգին Բ Նայրասպետը եկեղեցական ծառայությունը որակում է որպէս բազմաբևեռ գործընթաց: Սակայն նրա րեսադաշտից չի վրիպում և այն, որ հայրնի սահմաններում Եկեղեցու ծառայությունը կարող է ուղեկցվել նաև որոշակի խզման կերպերով, որոնց ազդեցությամբ եկեղեցական ավանդական պրակտիկան կարող է շաղկապվել «համագործակցության նոր ուղիների» որոնման հետ: Ասարվածաբանն այդ ոլորտի վերլուծությանն առանձնահատուկ ուշադրություն է դարձնում, քանի որ նշված գործընթացը սերտորեն կապված է ընդհանրության (Եկեղեցու) հավաքալին հիմնարար սկզբունքների հետ: Նաև այն պարճառով, որ դրանց մեկնաբանության գործում առաջադրվել են ասարվածաբանական րարքեր (երբեմն՝ հակադիր) մոտեցումներ և րարքեր մեթոդաբանական սկզբունքներ: Այդ իսկ պարճառով էլ նրա աշխարհընկալմանը լիովին հարիւր է ուղղադական այն համոզմունքը, որ «Եկեղեցու գորությունը համայն հավաքացյալ ժողովրդի ճշմարիտ հավաքն է: Ճշմարիտ հավաքով միավորվում և լինում ենք րաճար Սուրբ Նոգու: ... Մեր հոգեղեն րաճարացումը Սուրբ Նոգով իրականություն է դառնում հարկապէս աղոթավայր-սրբաբեղիների օրհնաբեր հարկի ներքո՝ ընդհանրական ու աղոթաշաղախ միությամբ»²⁴:

Անվիճելի է, որ Եկեղեցու ծառայության ասարվածաբանական վերլուծության և մեկնության հավասարակշռված արժեւորումներով Գարեգին Բ Վեհափառը պահանջվող ուշադրությամբ է վերաբերվում այն փաստին, որ մարդու և Աստծու միավորմանը միտված Եկեղեցու խորհրդավոր կյանքը հասարակական-քաղաքական րեղաշարժերի և զարգացման գործընթացներում հանդէս է գալիս որպէս բաց համակարգ: Դրանով եկեղեցաբանական նրբին և հավասարակշռված մոտեցմամբ շեշտադրվում է, որ Եկեղեցու ծառայական բազմաշերտությունը յուրաքիպ երկխոսություն է, որի միջոցով քրիստոնեական համայնքի խորհրդավոր կյանքը, ասարվածսիրությունն ու ծառայասիրությունը ներդաշնակ կերպով զուգակցվում են նույն այդ հավաքալին ընդհանրության մարդկային ջանքերի՝ քաղաքական, քաղաքացիական, հասարակական, ազգային և այլ պարտականությունների հետ: Այլ կերպ ասած՝ նա առաջադրում և հիմնավորում է այն թեզը, որ պրակտիկ կյանքում Աստծո ժողովրդի վկայությունը մարմնավորվում է նաև աշխարհիկ գործողությունների և պարտավորությունների րեսքով:

Նանրային կյանքի առանձնահատկությունների հետեւողական վերլուծությամբ Վեհափառ Նայրասպետը հանգում է այն հետեւության, որ պրակտիկ կյանքի գրեթե բոլոր ոլորտներում մարդն առաջնահերթ կարիք ունի օրարումը հաղթահարելու և մարդասիրական հարաբերություններ հասարաբելու: Իսկ հասարակարգերը փորձ

24 «Էջմիածին», 2007, ժԱ, էջ 8:

են կարարում այդ առաջնահերթությունները լուծել մարդակենտրոն մոտեցմամբ՝ մարդու լիակարար ինքնավարության, ինքնորոշման և բազմակարծության հիման վրա, ինչը շար անգամ ծայրահեղ տեսք է ստանում: Նախասական այդ միտումներն էլ, փաստում է աստվածաբանը, ի վերջո հանգեցնում են այն բանին, որ «... զուր աշխարհիկի հետևորդները հոգևոր արժեքների և ավանդությունների քննադատությամբ փորձում են նվազեցնել Եկեղեցու և կրոնի դերը հոգևոր և բարոյական արժեքների ձևավորման և պաշտպանության գործում, մեկուսացնել այն հանրային կյանքից: «Խղճի ազատությունը» մեկնաբանվում է իբրև ազատություն խղճից, ազատություն երկրպագելու ոչ թե Աստծուն, այլ այլազան կուռքերի, ներառյալ դրամը, իշխանությունը և այլն: Աշխարհայնացված աշխարհի արժեքները, փաստորեն, փոխակերպվում են, և կրոնը դառնում է «ազալ շուկայի» առարկա»²⁵:

Եվ քանի որ վերլուծական այդ դաշտում ականա խաչվում են նաև ավանդական և մոդեռն, եկեղեցաբանական հետևողական լուծումներով աստվածաբանը մարնանշում է այն ճանապարհը, որը համաշխարհայնացման խառնարանում կարող է տանել դեպի հասարակական կեցության ամբողջական արժեւորում, համամարդկային և միջբաղաբակրթական արժեքների ներդաշնակեցում, ազգակրոնական և ազգամշակութային ինքնության վերարտադրություն: Վարահ լինելով, որ Եկեղեցին չի կարող կողմնակի դիրքորդի կարգավիճակով շրջանցել արդի մարդու գոյաբանական պահանջները՝ Վեհափառը գտնում է, որ այդ հիմնահարցերն անհրաժեշտաբար պետք է քննարկել նաև եկեղեցական ավանդության շրջանակներում, բյուրեղացնել հոգևորի՝ քրիստոնեական մարդասիրության ոսպնյակով, քանի որ մարդու էության և բնության հետ կապված ցանկացած հայեցակարգ և տեսություն կամա թե ականա հարաբերվում է նաև կրոնական մոդելի հետ:

Փաստական նյութի ընդհանրացնող վերլուծությամբ Գարեգին Բ Վեհափառը ցույց է տալիս, որ համաշխարհայնացման միասնացնող հեռանկարի միակողմանի ընկալումն ու մեկնությունը չափազանց միաձեռն է և կենտրոնաձիգ: Այն հաշվի չի նստում ո՛չ ազգային, ո՛չ հոգևոր և ո՛չ էլ քաղաքակրթական բազմազանության հետ: Այդ իսկ պատճառով էլ նրա կողմից առաջադրում է եկեղեցաբանական մի այնպիսի մոդել, որն այդ հարցում առաջնային է համարում քաղաքակրթությունների և մշակույթների երկխոսությունը: «Արդի համընդհանրության գործընթացները կարող են համամարդկային նպատակների ծառայել, սրելով մնայուն ու ժողովուրդներին փոխադարձաբար իրար կապող արժեքներ ոչ թե ազգային մշակույթների տարբերակիչ հատկանիշների ոչնչացմամբ, այլ մշակութային ու արժեքային հաղորդակցությամբ և փոխհարստացմամբ»²⁶: Եկեղեցաբանական այդ հիմնադրույթի դիրքերից Վեհափառը գերապատվություն է տալիս արժեքային այն մոտեցմանը, որն արդի մարդու էկզիստենցիալ պահանջմունքների բավարարման օրգանապես շաղկապում է հոգևորի և նյութականի կարարյալ ներդաշնակեցման հետ: Որպես աստվածային պարկերի կրող՝ մարդն առանձնահատուկ արժեք է: Եւ

25 «Էջմիածին», 2006, Թ, էջ 17:

26 «Էջմիածին», 2005, Զ, էջ 38:

որպեսզի նա իրապես համապատասխանի այդ կոչմանը, ընտրության իր հնարավորությունը պետք է ծառայեցնի Աստծուն մերձենալուն և բարի գործերին: Այդ մտքեցմամբ աստվածաբանը հավասարապես շեշտում է նաև Եկեղեցու աշխարհիկ պատասխանատվությունը, քանի որ հավաքացյալ մարդը և՛ Եկեղեցու անդամն է, և՛ աշխարհիկ հարաբերությունների կրողը: Վկան՝ հայոց բազմադարյա պատմությունն է և ներքնապես այդ պատմությանը շաղախված կրոնը և Եկեղեցին: Այդ միասնությունն է այն հիմքը, պնդում է աստվածաբանը, որի արդյունքում «... քրիստոսանմանություն եղավ ամբողջությամբ մեր քրիստոնեական պատմությունը, և նրա էջերը՝ ավերարանական կենդանի ընթերցումներ (ընդգծումը մերն է՝ Ա. Ք.)»²⁷: Այդ դիրքերից է Վեհափառ Նայրապետը կորականապես մերժում նաև համաշխարհայնացման խառնարանում ակտիվորեն դրսևորվող առաքելությունների մրցակցության արաբավոր պրակտիկան և հասարակական կյանքում հոգևորի ու աշխարհիկի ներդաշնակեցման հիմք է համարում ազգամշակութային ավանդությունների հետ կապված ներկայացուցչական կառույցի, մեր պարագայում՝ ազգային Եկեղեցու հոգևոր արժեհամակարգը: Եվ վստահ լինելով, որ մեր ազգային կյանքում, «... մեր արմարներում զգում ենք Արարարի լանջին Նոյյան որթաբունկի ավշի քաղցրությունը»²⁸, նա նույնչափ կարևորում է այն, որ հայն ուր էլ լինի, չի կարող իր «... հոգում մարել Աստվածպարզի այն հողի կանչը, որ թաթախված է նախնյաց արյուն-քրտինքով, որ շաղախված է հիշատակներով ու սրբություններով, որից այնքան աղոթք է խնկարկվել առ Աստված»²⁹:

Աստվածաշնչագիտությունից բխող եկեղեցաբանական այդ լուծումները թույլ են տալիս փաստել, որ Եկեղեցու գոյաբանական ամբողջությունն արժեւորելով աստվածաբանական հայեցակարգային ըմբռնումով՝ Գարեգին Բ Վեհափառը հաջորդական քայլերով բացահայտում է Եկեղեցու տեսանկյունի և անտես խորհրդանշանների հարաբերակցությունը: Վեհափառը հիմնավորում է, որ անտես Եկեղեցին «... ծննդավայրն է հայ հոգու, մեր հոգևոր ազգային ինքնության աներեր սյունը, անառիկ ամրոցը ազգիս, մեր տխրության փարատողն ու երջանկության ճանապարհը և հույսի ապավինը: **Եկեղեցին նաև մեր ազգային ամբողջականության հոգևոր մարմնացումն է, հոգևոր մեր Նայրենիքը** (ընդգծումը մերն է՝ Ա. Ք.)»³⁰: Աստվածաբան Կաթողիկոսը նույնչափ կարևորում է նաև տեսանկյուն Եկեղեցու գործառնական դերը և ընդհանրացնող մտքեցմամբ այն արժեւորելով իր պատմական ընթացքի մեջ՝ պնդում է, որ «հոգևոր հայրենիքի» պարկերը թերի և միակողմանի կլինի առանց այնպիսի անանց արժեքի, ինչպիսին պատմական հայրենիքն է: Եվ քննարկվող եկեղեցաբանական հայեցակարգում **հայրենիքի գաղափարն օժտվում է հավասարազոր սրբությամբ**, քանի որ նրա բարձրագույն դրսևորումն է համարվում ազգային պետությունը, որի հետ Եկեղեցու կապն

27 «Էջմիածին», 2008, Ե, էջ 19:

28 «Էջմիածին», 2001, Ե, էջ 11:

29 Անդ.:

30 «Էջմիածին», 2005, Զ, էջ 10:

ու առաքելությունը մեկնաբանվում է որպես աստվածային սիրո և յույսի դրսևորման ձև, որպես **«Նայկյան մեր զարմի» առաքելության ուղենիշ**: Ահա թե ինչու Գարեգին Բ Վեհափառն ընդհանրացված ձևով պնդում է, որ **Եկեղեցու առաքելությունից մեկն էլ Նայրենիքի նկատմամբ սերն է**³¹:

Նայոց Նայրապետի համար մեծ աշխարհի այս փոքրիկ հողակտորը որակվում է որպես «թանկագին և սրբազան մասունք», «Արարարով չափված ազգային բազմահազարամյա պատմության վկայությունների կենդանի վավերացում»: Նայրենիքը սրբազան է, այն ազգային և հասարակական կյանքում Աստծո նկատմամբ սիրո փոխադարձումն է: Նայրենիքը սուրբ է և անձեռնմխելի իր ազատությամբ, իր այնքան թանկ ու նվիրական անկախ պետականությամբ: Այդ ամենի առհավարչյան կարելի է համարել հայ ժողովրդին ուղղված Վեհափառի սրբի խոսքը. «Այսօր նաև մեր ժողովրդի արի կամքով կանգնեցվել է հայոց պետականության յույսի խորանը, թեև բազում զրկանքներով, բազում փառապանքներով, բազում կորուստներով, սակայն թանկ ու նվիրական յուրաքանչյուր հայորդու համար հայոց անկախ պետականությունը, որ փեսիլք ու երազ է եղել դարեր շարունակ հայորդու համար, որ նվիրական բաղձանք է եղել յուրաքանչյուր հայ հոգուց ներս, որով ապրել ու գործել է յուրաքանչյուր զավակ մեր ժողովրդի ...: **Գոհություն և փառք ենք առ Աստված բարձրացնում, որ աննկուն ոգին ու կամքը մեր ժողովրդի նպատակաուղղված թանկ ձեռքերով հայոց անկախությունը ամրագրելուն, հայոց պետությունը՝ քրիստոնեական պետություն ձևավորելուն, կերպրելուն** (ընդգծումները մերն են՝ Ա. Բ.)»³²:

Նայրենիքն ընկալելով որպես հայ ժողովրդի արյամբ ու հանճարով հանգուցված և աստվածությամբ կնքված բազմադարյա ճանապարհների հանգուցակետ՝ Վեհափառ Նայրապետը չի սահմանափակվում միայն այսօրվա իրողություններով: Նա իր պրպարուն միտքն ուղղորդում է դեպի ապագա՝ և հույսով ու հավատով կոչ է անում հանուն այդ գալիքի գերծ մնալ ինքնահանգստացումից, անմնացորդ նվիրվել և փայփայել մեր ազգային պետականությունը, բոլոր ուժերն ու միջոցները «սիրաշաղախ պարասխանաբարության և պարսավորվածությամբ» անմնացորդ ողջակիզել հզոր հայրենիք կերպրելու աստվածահաճո գործին: «Այսօր մենք, շնորհիվ քաջագուն մեր զավակների, վերստին կերպրել ենք հայոց անկախ պետականությունը, ազատագրել ենք Արցախը, սակայն անավարտ է. ամբողջական չէ փակվին 1,5 միլիոն հայորդյաց երազը և փեսիլը՝ հանուն որի նրանք ընկան, մարտիրոսացան, նահապակվեցին: Այդ երազը հզոր Նայրենիքի կերպումն է, այդ երազը բարեշեն Նայրենիքի սրելծումն է, այդ երազն այնպիսի Նայրենիքի սրելծումն է, որպեղ հայորդիք կարողանան իրենց սրելծագործ աշխարանքով ապրել խաղաղ ու անվրդով (ընդգծումը մերն է՝ Ա. Բ.)»³³: Ազգային այդ առաջնահերթությունների

31 Տե՛ս «Էջմիածին», 2000, Ա, էջ 67:

32 «Էջմիածին», 2000, Ժ, էջ 13:

33 «Էջմիածին», 2001, Դ, էջ 32-33:

թվում Վեհափառի հայեցակարգում անդրադարձ է կատարվում նաև պերություն-Եկեղեցի հարաբերությանը:

Եվս մեկ բնորոշ առանձնահատկություն: Եկեղեցաբանական արժեւորումներում Վեհափառի խորաթափանց հայացքն ուղղվում է նաև հավաքքի էությունը բացահայտող հիմնարար այնպիսի հասկացության վերլուծական արժեւորում, ինչպիսին է «սրբացում» հասկացությունը:

Սրբացման երևույթների հետազոտական ուսումնասիրության գործում Նայոց Նայրապետը լայնորեն կիրառում է աստվածաբանության ֆենոմենոլոգիական մեթոդը: Դա վերլուծաբանին թույլ է տալիս հոգևոր փոխազդեցությունները դիտարկել պարմականությունից դուրս՝ իբրև գույր հավաքքային երևույթներ: Այդ դիրքերից անդրադառնալով «սրբացում» երևույթի իմաստային վերլուծությանը՝ Վեհափառն այն որակում է որպես կրոնի համար էական նշանակություն ունեցող կարեգորիա: Նա ցույց է տալիս նաև, որ ինչպես անհատական, այնպես էլ՝ հասարակական մակարդակներում սրբացման գործընթացներն ուղղորդված են դեպի հավաքքային հիմնարար նշանակություն ունեցող երևույթներ, պարկերացումներ և գաղափարներ և սերտորեն կապված են դրանց հետ: Այդ հարցում Վեհափառի համոզմունքն այն է, որ «Այնպեղ, ուր Աստված չկա, այնպեղ, ուր Աստված չի կարող բնակվել, այնպեղ սկսվում է սրեղծագործական խաթարումը, ավերը, թալանը, մսխումը և կործանումը»³⁴: Կրոնի ֆենոմենոլոգիական մեթոդի կիրառմամբ Վեհափառ Նայրապետը հետապնդում է մի այլ նպատակ ևս՝ հոգևոր կյանքում արմատավորել այնպիսի իմաստային նշանակություն և վարքագծի այնպիսի նորմեր հաստատել, որոնցով կազմված «սրբության կամարը» կարողունավորի ինչպես եկեղեցական հարաբերությունները, այնպես էլ այդ «կամարով անցնող» հասարակական և անհատական այլազան գործոնները:

34 «Էջմիածին», 2007, ժԱ, էջ 46: